

decembro, de transferencia de competencias á Comunidade Autónoma galega, transfírese no marco da lexislación básica do Estado, o desenvolvemento lexislativo e a execución en materia de corporacións de dereito público representativas de intereses económicos e profesionais.

A transferencia en materia de colexios oficiais ou profesionais fíxose efectiva a través do Real decreto 1643/1996, do 5 de xullo, e asumíuse polo Decreto 337/1996, do 13 de setembro, da Xunta de Galicia, tendo a Consellería de Presidencia, Administracións Públicas e Xustiza, asignadas as competencias nesta materia, en virtude do Decreto 303/2009, do 21 de maio, polo que se establece a estrutura orgánica da citada consellería.

A Lei 11/2001, do 18 de setembro, de colexios profesionais de Galicia, ditada en virtude da dita competencia, establece no artigo 18 a obrigatoriedade de comunicar á consellería competente en materia de colexios profesionais os estatutos aprobados, así como as súas modificacións.

Dando cumprimento a esta disposición o Ilustre Colexio Oficial de Procuradores de Pontevedra, acordou, en asemblea xeral que tivo lugar o 18 de setembro de 2009, a aprobación da modificación dos estatutos. Posteriormente, foron comunicados a esta consellería para os efectos da súa aprobación definitiva, despois da cualificación de legalidade, tal como dispón o artigo 18.1º da Lei 11/2001, de colexios profesionais de Galicia.

A precitada lei establece que os colexios profesionais deberán axustarse ás prescricións dos estatutos xerais do Consello Xeral. Neste caso, a modificación do artigo 30 do Estatuto xeral de procuradores xustifica a modificación do artigo 115 dos estatutos particulares do Colexio Oficial de Procuradores de Pontevedra.

Tendo en conta o exposto, e verificada a adecuación á legalidade da modificación estatutaria efectuada e en uso das facultades que me foron conferidas,

DISPOÑO:

Artigo único.-Aprobar a modificación dos estatutos do Ilustre Colexio Oficial de Procuradores de Pontevedra, que figura como anexo a esta orde.

Disposición derradeira

Este orde entrará en vigor aos vinte días da súa publicación no *Diario Oficial de Galicia*.

Santiago de Compostela, 26 de novembro de 2009.

Alfonso Rueda Valenzuela
Conselleiro de Presidencia, Administracións
Públicas e Xustiza

ANEXO

Modificación do artigo 115 dos estatutos do Ilustre Colexio Oficial de Procuradores de Pontevedra

Con base nas anteriores consideracións o artigo 115 queda redactado como segue:

«Artigo 115º.-O procurador que cese na representación está obrigado a devolver a documentación que estea no seu poder e a facilitar ao novo procurador a información que sexa necesaria para continuar co oficial exercicio da representación procesual».

CONSELLERÍA DE EDUCACIÓN E ORDENACIÓN UNIVERSITARIA

Orde do 15 de decembro de 2009 pola que se regula a convocatoria para o ano 2010 da xubilación anticipada voluntaria conforme a disposición transitoria segunda da Lei orgánica 2/2006, do 3 de maio, de educación.

A disposición transitoria segunda da Lei orgánica 2/2006, do 3 de maio, de educación, establece que os funcionarios de carreira dos corpos docentes aos que se refire a disposición adicional sétima da referida lei, así como os funcionarios dos corpos a extinguir a que se refire a disposición transitoria quinta da Lei 31/1991, de orzamentos xerais do Estado para o ano 1992, incluídos no ámbito de aplicación do réxime de clases pasivas do Estado, poderán optar a un réxime de xubilación voluntaria ata a data en que finalice o proceso de implantación desta lei establecido na disposición adicional primeira, sempre que reúnan todos e cada un dos requisitos establecidos.

O acordo do Consello de Ministros do 26 de xaneiro de 2007, determina o importe e as condicións das gratificacións extraordinarias que aboará o Estado previstas na Lei orgánica de educación para os funcionarios que imparten docencia en niveis non universitarios.

Por acordo do Consello da Xunta de Galicia do 25 de febreiro de 2000, establécese o importe e as condicións das gratificacións extraordinarias que aboará a Xunta de Galicia para incentivar a xubilación voluntaria dos funcionarios docentes que imparten docencia en niveis non universitarios, compatibles coas previstas no parágrafo anterior.

En virtude do exposto, esta consellería

DISPÓN:

Primeiro.-Poderán solicitar a xubilación anticipada voluntaria, con efectividade do 31 de agosto do ano 2010, os funcionarios docentes que imparten as ensinanzas reguladas na Lei orgánica de educación con destino nesta comunidade autónoma incluídos no

ámbito de aplicación do réxime de clases pasivas do Estado, pertencentes a algún dos seguintes corpos:

- Corpo de mestres.
- Corpo de catedráticos de ensino secundario.
- Corpo de profesores de ensino secundario.
- Corpo de profesores técnicos de formación profesional.
- Corpo de catedráticos de música e artes escénicas.
- Corpo de profesores de música e artes escénicas.
- Corpo de catedráticos de artes plásticas e deseño.
- Corpo de profesores de artes plásticas e deseño.
- Corpo de mestres de taller de artes plásticas e deseño.
- Corpo de catedráticos de escolas oficiais de idiomas.
- Corpo de profesores de escolas oficiais de idiomas.
- Corpos e escalas declaradas a extinguir con anterioridade á vixencia da Lei orgánica 1/1990, do 3 de outubro, de ordenación xeral do sistema educativo.
- Corpo de inspectores de educación.

Segundo.-Os solicitantes deberán cumprir os seguintes requisitos:

a) Ter permanecido en activo ininterrompidamente nos quince anos anteriores á presentación da solicitude en postos pertencentes aos correspondentes cadros de persoal de centros docentes ou que durante unha parte dese período permaneceran en situación de servizos especiais ou ocuparan un posto de traballo que dependa funcional ou organicamente das administracións educativas ou ben lles fora concedida excedencia por algún dos supostos recollidos no artigo 57.4º do Decreto lexislativo 1/2008, do 13 de marzo, polo que se aproba o texto refundido da Lei da función pública de Galicia.

b) Ter cumpridos sesenta anos de idade o 31 de agosto do ano 2010.

c) Ter acreditados un mínimo de quince anos de servizos efectivos ao Estado, o 31 de agosto de 2010.

Terceiro.-Os funcionarios que se xubilen, de acordo co disposto na disposición transitoria segunda da Lei orgánica de educación, que teñan acreditados ao momento da xubilación cando menos vinte e oito anos de servizos efectivos ao Estado, segundo a idade, corpo de pertenza e anos de servizo efectivos, percibirán por unha soa vez:

a) A gratificación establecida no acordo do Consello de Ministros do 26 de xaneiro de 2007.

b) A gratificación establecida no acordo do Consello da Xunta de Galicia do 25 de febreiro de 2000.

A contía das gratificacións publícase no anexo II desta orde.

Cuarto.

1. Os funcionarios dos corpos docentes aos que se refire a disposición adicional sétima da Lei orgánica 2/2006, do 3 de maio, de educación, acollidos a réximes de Seguridade Social ou de previsión distinto do de clases pasivas, poderán optar, no momento da solicitude da xubilación voluntaria, por incorporarse ao réxime de clases pasivas do Estado, para efectos do dereito aos beneficios recollidos nesta disposición, así como á súa integración no réxime especial de funcionarios civís do Estado.

2. Os funcionarios de carreira dos corpos docentes acollidos a réximes da Seguridade Social ou de previsión distintos do de clases pasivas, que non exerciten a opción establecida no parágrafo anterior, poderán percibir as gratificacións extraordinarias nun importe equivalente ao dobre das que se publican no anexo II a esta orde, sempre que causen baixa definitiva na súa prestación de servizos ao Estado por xubilación voluntaria ou por renuncia á súa condición de funcionario, e reúnan os requisitos establecidos nos puntos terceiro e cuarto desta orde.

Quinto.-As solicitudes deberán presentarse ata o día 28 de febreiro de 2010, segundo o modelo que se publica como anexo I, nos departamentos territoriais correspondentes ao centro de destino do solicitante ou nos lugares e forma que determina o artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

Sexto.-Unha vez iniciado o procedemento unicamente serán aceptadas as renuncias que se presenten con anterioridade ao 15 de marzo de 2010.

Sétimo.-A Dirección Xeral de Centros e Recursos Humanos resolverá as solicitudes presentadas e, cando proceda, propondrá a resolución de xubilación anticipada voluntaria con indicación da contía de gratificación extraordinaria e diferenciando entre a recollida nas alíneas a) e b) do punto cuarto desta orde.

Oitavo.-Coa paga ordinaria do último mes de servizo activo percibirase a totalidade da gratificación estatal establecida polo acordo do Consello de Ministros e o corenta por cento da establecida polo acordo do Consello da Xunta de Galicia. O sesenta por cento restante será aboado nas mesmas datas que a nómina do mes de marzo do ano inmediatamente seguinte.

Noveno.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 15 de decembro de 2009.

Jesús Vázquez Abad
Conselleiro de Educación e Ordenación
Universitaria

ANEXO I
Xubilación voluntaria anticipada

SOLICITANTE

Don/a..... con DNI..... e NRP.....
, data de nacemento (*)....., e enderezo en.....,
 nº de teléfono....., código postalconcello de....., provincia de.....,
 funcionario de carreira do corpo de, adquirida a condición de:

Catedrático Si
 Non

Con destino no.....concello de

acredita un total de..... anos..... meses e..... días de servizos efectivos ao Estado o 31 de agosto.

DECLARA:

- Permanecer en activo ininterrompidamente nos quince anos anteriores á presentación desta solicitude en postos docentes, para estes efectos computase o tempo que se permanecera na situación de servizos especiais ou ocupando postos dependentes funcional ou organicamente das administracións educativas así como a situación de excedencia por algún dos supostos contemplados no artigo 57.4º do Decreto lexislativo 1/2008, do 13 de marzo, polo que se aproba o texto refundido da Lei da función pública de Galicia.
- Ter cumpridos sesenta anos ou cumprilos con anterioridade ao 31 de agosto de 2010.

SOLICITA:

- A xubilación prevista na disposición transitoria segunda prevista da Lei orgánica 2/2006, do 3 de maio, de educación (BOE do 4 de maio).
- No caso dos funcionarios incluídos en réximes de Seguridade Social ou de previsión distintos do de clases pasivas poden optar por quedar integrados neste último a partir do 31 de agosto deste ano (marque o que proceda):

Si Non

....., de de 2010

Asdo.:

DATOS QUE CUBRIRÁ A ADMINISTRACIÓN

Don/a....., xefe/a do departamento territorial da Consellería de Educación e Ordenación
 Universitaria de

CERTIFICO que don/a..... acredita..... anos,..... meses e..... días, á vista do seu expediente
 persoal o 31 de agosto de 2010.

O que certifico en ,dede 2010

Sinatura e selo